



REGISTRO CENTRAL DE ASOCIACIÓN  
ESTATUTOS VISADOS

## ESTATUTOS DA ASOCIACIÓN SOLIDARIEDADE INTERNACIONAL DE GALICIA

### CAPITULO I DA ASOCIACIÓN EN XERAL

#### Artigo 1.

1.- Os presentes estatutos da Asociación SOLIDARIEDADE INTERNACIONAL DE GALICIA como Organización Non Gubernamental permanente sen ánimo de lucro, constituída o 14 de xullo de 1996, con número de inscrición no Rexistro Provincial de Pontevedra 4187, e CIF G- 36833648, foron modificados de conformidade coa lexislación vixente.

2.- A asociación rexerase polos devanditos estatutos, pola Lei Orgánica 1/2002, do 22 de marzo, reguladora do dereito de asociacións e pola demáis lexislación existente en materia de asociacións que lle sexa aplicable.

3.- Solidariedade Internacional de Galicia nace coa finalidade de promover a xustiza social e alcanzar un modelo de sociedade baseado en:

- Desenvolvemento económico, social e cultural, harmónico, sostible e equilibrado;
- Protagonismo das organizacións locais;
- Erradicación da pobreza, a discriminación e a marxinación;
- Solidariedade entre os países e no interior de cada un dos países;
- Acceso xusto ós mercados nacionais e internacionais;
- Xestión sostible dos recursos naturais e a mellora do medio ambiente ;
- Logro de niveis de vida dignos para as poboacións más pobres e o pleno acceso ós bens públicos globais;
- Equidade no trato e o respecto á identidade de xénero, a orixe racial, étnica ou social, a nacionalidade, relixión ou crenzas, a orientación sexual, as diminucións ou a idade como dereitos inalienables de todos os seres humanos.
- Unha cidadanía crítica e activa.

Contando con todos estes elementos, a entidade apostá por unha cooperación que non produza novas dependencias, que consolide e reforce os procesos de desenvolvemento humano autónomo e sostible, que traballe sempre con organizacións locais, promova a participación dos beneficiarios e a igualdade de oportunidades entre homes e mulleres.

Os beneficios que se obteñan por calquera concepto destinaranse exclusivamente ó cumprimento destes obxectivos, sen que se poidan repartir entre a/os asociada/os nin outras persoas físicas ou xurídicas con interese lucrativo.



**Artigo 2.**

O domicilio principal e permanente da asociación, que poderá trasladarse por acordo da súa **Asemblea Xeral**, radicará na rúa Vereda do Polvorín, nº 2, 15002 - A Coruña.

**Artigo 3.**

A asociación en funcións dos seus fins e do emprazamento do seu domicilio social, exercerá as súas actividades no ámbito territorial da Comunidade Autónoma de Galicia, en América Latina, África e Oriente Próximo.

**Artigo 4.**

1.- A asociación constitúese por tempo indefinido e só se disolverá, conforme a estes estatutos, pola vontade da/os asociada/os expresada en Asemblea Xeral Extraordinaria ou polas causas previstas na lexislación vixente.

2.- A asociación rexerase segundo os principios democráticos contidos no marco da Constitución e o resto do ordenamento xurídico.

3.- A asociación ten personalidade xurídica propia e plena capacidade xurídica e de obrar dacordo cos seus Estatutos e a lexislación aplicable.

**Artigo 5.**

Para o cumprimento dos fins anteriormente sinalados, a asociación levará a cabo as seguintes actividades:

1.-Financiar proxectos de cooperación ó desenvolvemento e plans de cooperación técnica.

2.- Articular a captación de fondos de solidariedade, tanto da sociedade galega como de institucións públicas ou privadas.

3.-Promover campañas de sensibilización e educación para o desenvolvemento entre a sociedade galega, con especial atención á xuventude e infancia.

4.-Realizar actividades culturais e de promoción sociocultural que contribúan a comprensión en Galicia da pluralidade cultural do mundo.

5.- Fomentar a participación xuvenil na consecución dos fins da entidades.

6.- A promoción, difusión e venda de produtos de alimentación e artesanía de comercio xusto.

7.- A promoción e fomento do voluntariado entre a sociedade galega.

8.- Calquera outra actividade social, cultural, económica e política que, xenuinamente contribúan á consecución dos fins establecidos.



REGISTRO CENTRAL DE ASOCIACIONES  
ESTATUTOS VISADOS

## CAPITULO II DOS ASOCIADOS

### Artigo 6

Poderán ser socia/os de Solidariedade Internacional de Galicia tódalas persoas que o soliciten e se atopen en pleno desfrute dos seus dereitos civís.

### Artigo 7

Os asociados e asociadas teñen os seguintes dereitos:

- 1) Participar nas actividades da asociación e nos órganos de goberno e representación, exerce-lo dereito de voto, así como asistir á Asemblea Xeral, de acordo cos estatutos.
- 2) Ser informado da composición dos órganos de goberno e representación da asociación, do seu estado de contas e do desenvolvemento da súa actividade.
- 3) Ser oída/o con carácter previo á adopción de medidas disciplinarias contra el/ela e ser informada/o dos feitos que dean lugar ás ditas medidas, debendo motivarse o acordo que, no seu caso, impóna a sanción.
- 4) Impugna-los acordos dos órganos da asociación que estime contrarios á lei ou ós estatutos.

### Artigo 8.

Son obrigas dos asociados e asociadas:

- 1) Comparti-las finalidades da asociación e colaborar para a súa consecución.
- 2) Paga-las cotas que se establezan.
- 3) Desempeña-los cargos para os que foron elexida/os.
- 4) Acatar e cumplir os acordos validamente adoptados polos órganos de goberno e representación da asociación.
- 5) Acata-lo contido dos estatutos.
- 6) Ter unha boa conducta individual e cívica.

### Artigo 9.

O ingreso da asociación será voluntario.

### Artigo 10.

1.- A condición de asociada/o perderase:

- 1) Por vontade propia.
- 2) Por non estar o corrente no pago das cotas e non responder ante os posibles requerimentos de pago.
- 3) Por actuacións contrarias os presentes Estatutos.

2.- A expulsión de asociados e asociadas nos apartados 2) e 3) do párrafo anterior, será acordada pola Xunta Directiva, logo da audiencia do interesado.

A aplicación da sanción sobre a baixa da/os asociada/os levarase a cabo coa motivación pertinente.

### Artigo 11.

A baixa, por calquera das razóns expresadas anteriormente dará lugar á perda de tódolos dereitos como asociada/o.



### Artigo 12.

Non será posible a reclamación de bens de Solidariedade Internacional de Galicia cales queiran que foran as cantidades aportadas para o seu funcionamento ou para calquera outro fin pola/os socia/os.

## CAPITULO III DOS ÓRGANOS DA ASOCIACIÓN

### Artigo 13.

A dirección e administración da asociación serán exercidas pola/o Presidenta/e, a Xunta Directiva e a Asemblea Xeral.

### Artigo 14.

A **Asemblea Xeral** de asociados e asociadas é o órgano de expresión da vontade da asociación e estará formada por todos/as a/los integrantes da mesma. A/o presidenta/e e a/o secretaria/o da asemblea serán tamén a/o presidenta/e e secretaria/o da Xunta Directiva.

### Artigo 15.

A Asemblea Xeral reunirase con carácter ordinario unha vez ó ano, e con carácter extraordinario cantas veces o acorde a Xunta Directiva, ou o soliciten o 10 % dos socios. Neste último caso realizarase por medio de escrito dirixido á/o presidenta/e, autorizado coas firmas da/os solicitantes, no que se expoña o motivo da convocatoria e a orde do día.

### Artigo 16.

A Asemblea Xeral Ordinaria reunirase necesariamente unha vez durante o primeiro trimestre. Tanto a Asemblea Ordinaria como a Extraordinaria serán convocadas con 15 días de antelación pola/o presidenta/e da Xunta Directiva.

A notificación farase por correo postal a cada un dos asociado/as, ou ben a través de calquera outra forma de comunicación física ou dixital axeitada ao fin.

### Artigo 17.

Serán competencias da Asemblea Xeral Ordinaria:

- 1) Aproba-lo plan de actividades.
- 2) Examinar e aproba-las contas e balances do ejercicio anterior.
- 3) Aproba-los presupostos de ingresos e gastos para cada ejercicio.
- 4) Exame e aprobación das cotas.

### Artigo 18.

Serán competencias da Asemblea Xeral Extraordinaria:

- 1) Modifica-los estatutos da asociación.
- 2) Elixir e cesa-la/os membros integrantes da Xunta Directiva.
- 3) Aproba-la federación con outras asociacións.
- 4) Autoriza-lo alleamiento, gravame ou hipoteca de bens sociais.
- 5) Acorda-la disolución da asociación.
- 6) Designa-la/os liquidadores/as.
- 7) Ratifica-la expulsión de asociados e asociadas a proposta da Xunta Directiva.
- 8) Solicita-la declaración de utilidade pública da asociación.
- 9) Aproba-lo regulamento de réxime interno da asociación.



- 10) As que sendo competencia da assemblea ordinaria, por razóns de urxencia ou necesidade, non poidan esperar a súa convocatoria, sen grave perxuízo para a asociación.
- 11) Tódalas competencias non conferidas expresamente á Asemblea Xeral Ordinaria ou á Xunta Directiva.

#### **Artigo 19.**

A Asemblea Xeral quedará validamente constituída sempre que concorran a metade máis un da/os asociada/os na primeira convocatoria ou, transcorrida media hora, en segunda convocatoria, con calquera número de asistentes pero, en todo caso, coa presenza da/o presidenta/e ou vicepresidenta/e e a/o secretaria/o ou persoa que a/o substitúa.

#### **Artigo 20.**

Os acordos adoptados deberán sero polo voto afirmativo da maioría simple da/os asistente/s ou representada/os, excepto os relativos os apartados 1 ó 7 do artigo 26, que requirirán maioría de dous terzos. A continuación levaranse os acordos ó libro de actas e asinará o/a presidente/a, o/a secretario/a da assemblea. A acta deberá ser lida na seguinte sesión celebrada pola Asemblea Xeral e aprobada por maioría da/os presentes.

#### **Artigo 21.**

Os acordos adoptados conforme os preceptos anteriores obrigarán a toda/os a/os asociada/os, incluso á/ós non asistentes.

As sesións abriranse cando así o determine a/o presidenta/e. Seguidamente se procederá por parte da/o secretaria/o á lectura da acta da Asemblea anterior que deberá ser aprobada.

Posteriormente a/o secretaria/o procederá a presentar a orde do día. Cada punto será informado polo membro da Xunta Directiva que lle corresponda, procedéndose ó debate e a aprobación dos correspondentes acordos nos termos contidos nestes estatutos, segundo a materia de que se trate.

#### **Artigo 22.**

Os acordos que vaian contra estes estatutos ou infrinxan os fines da asociación poderán ser recorridos en reposición diante da Asemblea Xeral. A partir da resolución do recurso de reposición, quedará expedita a vía para recorrer perante a xurisdición ordinaria.

#### **Artigo 23.**

1.- A **Xunta Directiva** estará formada pola/o presidenta/e da asociación, unha/un ou dúas/dous vicepresidenta/es, unha/un secretaria/o, unha/un tesoureira/o e polos vocais.

2.- As persoas elixidas para os cargos da Xunta Directiva non percibirán retribución algúna polas funcións do seu cargo de representación. No caso de que algún dos membros perciba retribución por algúna outra función no seo da organización, isto deberá ser aprobado pola assemblea.

3.- A Asemblea Xeral será a competente para elixi-los cargos da Xunta Directiva. A súa duración será por un período de 4 anos, aínda que poden ser obxecto de reelección indefinidamente.

4.- Os cargos cesarán na súa función por:

- 1) Falecemento da persoa física ou extinción da persoa xurídica.



- 2) Renuncia voluntaria.
- 3) Transcurso do prazo para o que foron elixidos.
- 4) Acordo de cesamento de toda a Xunta Directiva adoptado por  $\frac{3}{4}$  da/os asociada/os reunida/os en Asemblea Xeral Extraordinaria convocada para tal efecto.

A renuncia e o transcurso do prazo non dan lugar ó cese automático, senón que se deberá facer un efectivo traspaso de poderes con entrega de documentación e posta ó día da/o sucesor/a.

As vacantes que se puideran producir durante o mandato de calquera dos membros da Xunta Directiva, serán cubertas provisionalmente entre a/os dita/os membros ata a elección definitiva pola Asemblea Xeral. En calquera caso, a Xunta Directiva debe estar integrada como mínimo por 3 persoas, que exercerán as funcións de presidencia, secretaría e tesourería.

#### **Artigo 24.**

A Xunta Directiva terá as seguintes funcións:

- 1) Programar e dirixi-las actividades asociativas.
- 2) Leva-la xestión administrativa e económica da asociación.
- 3) Someter á aprobación da Asemblea Xeral ó orzamento anual de ingresos e gastos, así como o estado de contas do ano anterior.
- 4) Convocar e fixa-la data da Asemblea Xeral.
- 5) Propoñer á Asemblea Xeral a fixación de cotas ordinarias e extraordinarias para os asociados.
- 6) Designa-las comisións de traballo ou seccións que se estimen oportunas para o bo funcionamento da asociación.
- 7) Ditar normas interiores de organización e exercer cantas funcións non estean expresamente asignadas á Asemblea Xeral.
- 8) Resolver sobre as solicitudes de ingreso de nova/os asociada/os.
- 9) Propoñe-lo plan de actividades da asociación á Asemblea Xeral para a súa aprobación, impulsando e dirixindo as súas tarefas.
- 10) Resolve-los procedementos disciplinarios que se instrúan.
- 11) Aquelas que non veñan atribuídas expresamente á outro órgano da asociación.
- 12) Designar ao director/a polo prazo que se considere necesario e con facultades de revocar a designación en calquera momento.

#### **Artigo 25.**

1.- A Xunta Directiva será convocada pola/o presidenta/e, a iniciativa propia ou a petición de calquera dos seus compoñentes.

2.- Para que os acordos da Xunta Directiva sexan válidos, deberán ser adoptados pola maioría de votos dos asistentes, sendo necesaria a concorrencia, polo menos, da metade máis un da/os súas/seus membros e, en todo caso, da/o presidenta/e ou vicepresidenta/e e a/o secretaria/o ou persoa que a/o substitúa.

A/o secretaria/o ou, no seu defecto, a/o vocal que a/o substitúa, levantará acta das sesións, que se transcribirá ó libro de actas.

#### **Artigo 26.**

Os membros da Xunta Directiva presidirán as comisións que a propia Xunta acorde constituír, co fin de delegar nelas a preparación de determinados actos ou actividades, ou de acadar delas as informacións necesarias. Formarán parte das ditas



comisións o número de asociada/os que acorde a Xunta Directiva, a proposta da/os súas/seus respectiva/os presidenta/es.

#### **Artigo 27.**

1.- A/o Presidenta/e da asociación será designada/o pola Asemblea Xeral entre a/os asociada/os. Será asistido nas súas funcións por unha/un ou dúas/dous vicepresidente/s, que a/o substituirá no caso de vacante, ausencia ou enfermidade.

2.- A/o Presidenta/e terá as seguintes atribucións:

- a) Representa-la asociación diante de calquera organismo público ou privado.
- b) Convocar e presidi-las sesións que celebre a Xunta Directiva; presidi-las sesións da Asemblea Xeral; dirixi-las deliberacións dunha e outra, decidindo con voto de calidade, en caso de empate.
- c) Executa-los acordos adoptados pola Xunta Directiva e a Asemblea Xeral.
- d) Ordena-los pagamentos acordados validamente.
- e) Asigna-las actas, certificados, pagos e outros documentos da asociación xunto co secretario ou membro da Xunta Directiva a quien lle corresponda a elaboración do documento de que se trate.

#### **Artigo 28.**

1.- A/o secretaria/o recibirá e tramitará as solicitudes de ingreso, levará ficheiro e o libro rexistro de asociados e terá ó seu cargo a dirección dos traballos administrativos da entidade. Correspónelle así mesmo notifica-las convocatorias e custodia-las actas e expedir certificacións destas co visto bo da/o presidenta/e. A/o secretaria/o tamén levará o inventario dos bens da asociación nun libro establecido para este efecto.

2.- Nos casos de ausencia, vacante ou enfermidade da/o secretaria/o, a/o presidenta/e designará entre a/os vocais a un que desenvolva esta función.

#### **Artigo 29.**

1.- A/o tesoureira/o recadará e custodiará os fondos pertencentes á asociación, dará cumprimento ás ordes de pagamento que expida a/o presidenta/e, levará a contabilidade da asociación, tomará razón e levará conta dos ingresos e dos gastos asociativos, elaborará o borrador de orzamentos da asociación así como as contas de resultados e balances.

2.- A/o tesoureira/o ten a obriga de proceder ó peche do exercicio orzamentario antes de 31 de Xaneiro do exercicio seguinte, co fin de que as contas estean a disposición dos membros da asociación.

#### **Artigo 30.**

A/os vocais terán as seguintes atribucións:

- 1) Realizar programas e propostas na súa área de actuación.
- 2) Desempeña-los traballos que lle sexan encomendados pola Xunta Directiva.

#### **Artigo 31.**

A dirección terá as seguintes funcións:

- 1) Planificación e programación anual do seu ámbito de responsabilidade. Elaboración dos programas e as actividades xerais da Organización: seguimento e avaliación.



- 2) Coordinación, seguimento e avaliación de Plans Estratéxicos.
- 3) Planificación e distribución da carteira de anteproxectos da Organización polas distintas convocatorias públicas e privadas.
- 4) Coordinación das distintas áreas da Organización.
- 5) Convocar e coordinar os grupos internos da Organización: Finanzas, Recursos e Proxectos.
- 6) Participar nas reunións da Organización coa Fundación e co resto das Asociacións e delegacións.
- 7) Representar á Organización en foros e redes onde se participe.
- 8) Participar nos procesos de selección e formación do persoal.
- 9) Xestión a nivel xeral do voluntariado.
- 10) Manter contactos e negociacións con as financeiras.
- 11) Manter contacto con organizacións locais.
- 12) Coordinar e supervisar o traballo da Organización.
- 13) Outras actividades que lle sexan encomendadas.

## CAPITULO IV DO VOLUNTARIADO

### Artigo 32.

Solidariedade Internacional de Galicia é unha asociación inscrita no rexistro galego de entidades de acción voluntaria. Poderán ser voluntario/as de Solidariedade Internacional de Galicia todas aquelas persoas físicas que, estando de acordo cos principios da entidade, subsciran o “modelo normalizado de documento de acordo entre a organización e a persoa voluntaria”.

As persoas voluntarias terán os seguintes dereitos;

Formar parte da actividade da asociación

Participar das Asembleas da entidade, con voz e sen voto.

Requirir un certificado sobre a dedicación, en tempo e forma, prestada á entidade.

Dispoñer dunha identificación como voluntario/a de Solidariedade Internacional de Galicia.

A condición de voluntario/a implica a dedicación gratuíta á asociación.

Solidariedade Internacional de Galicia terá a obriga de fixar un Plan de Formación para o voluntariado da entidade, apoialos cos medios humáns e físicos no desenvolvemento das súas funcións e contratar un seguro que lles cubra posibles accidentes no desenvolvemento das súas funcións.

A perda da condición de voluntario/a deberase aos seguintes motivos;

- Baixa voluntaria
- A non participación en actividade algunha da asociación de forma inxustificada por un período superior aos seis meses será causa de baixa automática.
- Non suposto de que os servicios prestados non sexan satisfactorios para a asociación, a Xunta Directiva poderá prescindir dos mesmos, notificándollo razoadamente, co visto bo da presidencia da entidade ó enderezo postal ou electrónico dispoñible

## CAPITULO V DA XUVENTUDE



REGISTRO CENTRAL DE ASOCIACIONES  
ESTATUTOS VISADOS

### Artigo 33.

Solidariedade Internacional de Galicia Xuventude é a sección xuvenil que promove a vida asociativa do voluntariado xoven da institución, fomenta a participación de mozos e mozas nas actividades da mesma e promove os principios e valores no ámbito da infancia e a xuventude e representa a Solidariedade Internacional de Galicia nas organizacións xuvenís nacionais e internacionais.

Solidariedade Internacional de Galicia Xuventude estará representada nos órganos de governo de Solidariedade Internacional de Galicia con, a lo menos, unha vogalía na Xunta Directiva.

## CAPITULO VI RÉXIME ECONÓMICO

### Artigo 34.

O patrimonio da asociación integrase polas aportacións que para este fin realicen os socios e socias. O patrimonio inicial é de 1050 euros.

Os bens inmobilés deberán inscribirse no nome da asociación no rexistro da propiedade, os fondos públicos e os valores mobiliarios, industriais ou mercantiles deberán depositarse en entidades bancarias.

### Artigo 35.

A asociación funcionará en réxime de presuposto anual, con partidas diferenciadas de ingresos e gastos. O borrador do presuposto será elaborado pola/o tesoureira/o da asociación, que deberá de telo preparado antes do 31 de xaneiro de cada ano, e será aprobado na Asemblea Xeral Ordinaria.

### Artigo 36.

A asociación manterase dos seguintes recursos:

- 1) As cotas periódicas dos/as asociados/as.
- 2) As cotas extraordinarias que propoñía a Xunta Directiva e sexan aprobadas pola Asemblea.
- 3) As doazóns ou subvencións que poidan conceder órganos públicos, entidades privadas ou particulares.
- 4) Os ingresos que se poidan recibir polo desenvolvemento das actividades da asociación.
- 5) Calquera outro ingreso admitido pola normativa vixente para actividades non lucrativas.

### Artigo 37.

A Asemblea Xeral Ordinaria, a proposta da Xunta Directiva, aprobará tanto as cotas ordinarias como as extraordinarias que non serán reintegrables en ningún caso. O recadado dedicarase a atende-las necesidades da asociación.

### Artigo 38.

Anualmente con referencia ó último día do exercicio económico de cada ano que coincidirá co 31 de decembro, elaboraranse as contas, que se formalizarán nunha memoria, que será posta a disposición dos asociados.



REGISTRO CENTRAL DE ASOCIACIONES  
ESTATUTOS VISADOS

#### **Artigo 39.**

A Xunta Directiva estará facultada para efectuar cos bens, as operacións que estime convenientes para o seu maior aproveitamento e rentabilidade.

#### **Artigo 40.**

Os ingresos económicos serán destinados a realización dos fins da Asociación, salvo que a Xunta Directiva considere conviente acumular o capital aqueles que non estean afectados.

### **CAPITULO VII DO REGULAMENTO DE RÉXIME INTERNO**

#### **Artigo 41.**

O regulamento de réxime interno, no seu caso, desenvolverá aquelas materias non contempladas directamente nos presentes estatutos, como o procedemento de elección dos membros da Xunta Directiva e o procedemento disciplinario, non podendo ir en ningún caso en contra do estipulado neles. En todo caso, o funcionamento interno da asociación estará sometido ó ordenamento xurisdiccional civil.

### **CAPITULO VIII MODIFICACIÓN DE ESTATUTOS E DISOLUCIÓN DA ASOCIACIÓN**

#### **Artigo 42.**

Os presentes estatutos só poderán ser modificados por acordo da Asemblea Xeral Extraordinaria convocada a tal efecto, adoptado polas 2/3 partes da/os asociada/os. A proposta de convocatoria deberá ir acompañada do texto das modificacións propostas.

#### **Artigo 43.**

A asociación extinguirse ou disolverse:

- 1) por vontade da/os socia/os, expresada na Asemblea convocada ó efecto, có voto favorable das 2/3 da/os socia/os.
- 2) Polas causas determinadas no Artigo 39 do Código Civil.
- 3) Por sentencia xudicial.

#### **Artigo 44.**

Acordada a disolución, a Asemblea Xeral Extraordinaria designará tres asociados/as liquidadores, que xunto o/a presidente e o/a tesoureiro/a, procederán a efectuar a liquidación dos bens, pagando débedas, cobrando créditos o haber líquido resultante.

#### **Artigo 45.**

Extinguida ou disolta a Asociación, donaranse os seus bens á calquera outra asociación galega designada para tal fin pola Xunta Directiva, de entre aquellas que comparten fins e obxectivos.



REGISTRO CENTRAL DE ASOCIACIONES  
ESTATUTOS VISADOS

### DISPOSICIÓN ADICIONAL PRIMEIRA-

Se manda á Xunta Directiva para solicitar ante os órganos da Comunidade Autónoma Galega, a petición de declaración de utilidade pública para Solidariedade Internacional de Galicia.

### DILIXENCIA.

Faise constar que quedan redactados os estatutos dacordo coas modificacións aprobadas na Asemblea Xeral Ordinaria de Solidariedade Internacional de Galicia celebrada en Santiago o día 6 de maio de 2017.

Asdo:

Carolina Campos Alvarez  
Presidenta

Noemí Cochón Blanco  
Secretaria

XUNTA DE GALICIA  
CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
MODIFICACIÓN DE ESTATUTOS  
Quedan VISADOS e incorporados ó Rexistro Central desta  
Comunidade Autónoma, nº de Rexistro Asociación 2005/8249-1

Santiago de Compostela  
**31 XULL. 2017**  
O/A ENCARGADO/A DO REXISTRO



*[Handwritten signature over the stamp]*  
María Amadora Rodríguez Carreira